



10. januar 2017

Inatsisartut suleriaasianni § 37 naapertorlugu Naalakkersuisunut imaattunik apeqqute-qarpunga:

- 1. Pinngortaleriffik piffinni misissuiffiusuni nalunaarsukkat annertussusaat nalunaarsoreeraangamiuk qummut amnulluunniit taggiineq qanoq inissineqartarpa? (runde op/runde ned)**
- 2. Saarulleqassuseq eqqarsaatigalugu Attu-mit avannamut, Disko Bugt, Uummannap Sullua, Upernaviup kujataa, Upernaviup avannaa, Kullorsuup qanita, Qimusseriarsuup, avanersuup, tunumilu Ittoqqortoormiit Tasiilallu imartai misissuiffigineqartarnikuuppat?**
- 3. Saarulleqassuseq eqqarsaatigalugu Attu-mit avannamut, Disko Bugt, Uummannap Sullua, Upernaviup kujataa, Upernaviup avannaa, Kullorsuup qanita, Qimusseriarsuup, avanersuup, tunumilu Ittoqqortoormiit Tasiilallu imartai siunissami pilersaarusiukkamik misissuiffigineqartalernissaannik pilersaaruteqartoqarpa? Taamaaliortoqassagaluarpallu nunatta karsianut aningaasatigut qanoq kinguneqassava?**
- 4. Pinngortitaleriffik naliliivoq imartatsinni aalisagaqassuseq malinnaaffigilluarlugu, pinngortitaleriffik taamatuttaaq isumaqarpa imartat Attu-mit avannamut, Disko Bugt, Uummannap Sullua, Upernaviup kujataa, Upernaviup avannaa, Kullorsuup qanita, Qimusseriarsuup, avanersuup, tunumilu Ittoqqortoormiit Tasiilallu imartai eqqarsaatigalugit?**
- 5. Aalisarnermut siunnersuisooqatigiit maannamut imartatsinni misissueriaaseq naammaginartutut nalilerpaat?**
- 6. Maannamut Nuup Sisimiullu imartaasa saarulleqassusaasa misissuiffigineqarsimaneri imartarput ataatsimut isigalugu procent-inngorlugu qanoq innertutigaa?**
- 7. Nunat sanilerisatta, assersuutitut Island, imartartik procent-inngorlugu qanoq annertutigisoq misissuiffigisarpaat?**
- 8. Sannap aapperneqarsinnaanera imartattalu annerusup misissuiffigisalerneqarsinnaaneranik Naalakkersuisut pilersaaruteqarpaat?**
- 9. Ernumanartoqarpa nunatsinni imartarput ukiuni tulliuuttuni nillarteriataarsinnaassasoq, tamatuma kingorna saarulliit tammakaratarsinnaallutik?**
- 10. Pinngortitaleriffiup saarullittassatut inassuteqaataat qaangerlugu pisassiisoqartarnera nunarsuarmi niueqatitsinni MSC-mik meqqilersuinermut**

**pisartullu piserusussusaannut sanilliullugu ernumanartoqarsinnaasoq  
malunnartoqarpa?**

**11. Saarullinnik pisassiissutit pillugit siunnersuisarneq nunap  
immikkoortortanngorlugu aqqissuusseqqittoqarsinnaanersoq  
Naalakkersuisut qanoq isumaqarfigaat?**

(Inatsisartuni ilaasortaq, Bendt B. Kristiansen)

### **Tunngavilersuut**

piffissaq kingullermi saarullittassanik pisassiissutit inuiaqatigiinni annertuumik oqallisaapput, oqallinnermilu annertuumik qitiuvoq pinngortitalerivipput, imartatsinni aalisagaqassutsimik misissuisartuutit arput. Pinngortitaleriviup misissuisarneri ilisimasagut malillugit imartatsinni piffiit annikittuinnaat misissuiffigineqartatut paasinarpoq, apeqquserneqartariaqarlunilu ilumut tamanna pissutsinut naapertuunnersoq annertusakkamillu imartatsinni misissuisalertariaqannginersugut.

Ullut suliffiusut qulit iluanni akineqarnissara kissaatigaara.